

TABEAKINAIA KAINNANO

KAIRAN
TE REIREI



TABEAKINAIA KAINNANO

KAIRAN
TE REIREI

A*o E anga temwaangina bwa; taan tuatua;
ao temwaangina, bwa burabeti; ao temwaangina,
bwa taan taekina te euangkerio; ao temwaangina,
bwa taan kawakin ekaretia, ao taan reirei;
i bukini karaoiroaia ake a itiaki nakoni mwakurian
nakoaia, nakoni katean rabawatani Kristo:
Ao tokina bwa rokora ni kabaneira
n te onimaki ae ti teuana.*

I-Ebeto 4:11–13

Boretiaki man Ana Ekaretia Iesu Kristo Ibukiia Aika
Itiaki Ni Boong Aika Kaitira, Salt Lake City, Utah

© 2008 iiron Intellectual Reserve, Inc.
A bane n tauaki mwiin taian kariaia ibukin katootongana.
Boretiaki n te United States of America

Kariaiakaki n te Ingiriti: 10/86
Kariaiakan Rairana: 10/86
Rairan Caring for the Needy: Study Guide
Kiribati

KANOANA

Kabwarabwaraana iv

Itera 1 E Buoka Totokoan te Kainnano Te Bitiobi

Kaunga te Kan Toronibwai 2
Kaunga te Angaanga Ma te Nano n Akoi 2
Titiraki ni Kauring 2
Te Bwai ni Kataneiai 3
Karinan n Ara iaon te Kan Toronibwai 3

Itera 2 Te Bitiobi e Kakaeia ao E Tabe Ibukiia Aika Kainnano

Ukoukoriia Kainnano 4
Kakaea Raorao Maiuiia 4
Kamanena te Motikitaeka ae Raoiroi 4
Anga te Buoka 4
Karekea Te Mwakuri N Onea Mwiin te Buoka 5
Titiraki ni Kauring 6
Te Bwai ni Kataneiai 6
Booma Ibukin Rinanoan Buokaia Kainnano 7

Itera 3 Te Bitiobi E Ira Te Kauntira ni Kamweraoi Irouia Bitiobi n te Titeiki


Titiraki ni Kauring 9
Te Bwai ni Kataneiai 9
Katautau Iaon Kataketabete ibukin Mwakuri 9

Bwaai ni Ibuobuoki Riki Tabeua

Booki Aika Tabu 10
Bwaai n Reirei ibukin te Kakauongo ao te Mataku 10
Bookinreirei Ao Booki n Ibuobuoki 10
Rongorongo inanon Ana Beeba Ni Kaongora te Ekaretia 10

KABWARABWARAANA

Ko a tia ni weteaki mani katabuaki bwa te bitiobi ibukin kakororaoan ana kantaninga te Uea. Iai nimaua aekan tabem n te nakoa anne n aron ane e kaotaki n te tamnei ane e kaan anne.



Kairan te reirei aei ao te witeokatiete are e kaairaki ikai e kabwarabwarai ao e kaoti kawai are ko na kona iai ni kakoroa bukin tabem ibukin tabeakinaia kainnano. Ibukin kabe-betean otam ni bwaai n reirei aikai, ao a kona aomata ni kawara te bitiobi ke te beretienti n te mwaanga ibukin reitan rongorongo.

Kaetieti: Moanna man matakuakinan te kabwarabwara iaon te witeokatiete *Tabeakinaia Kainnano*, imwiina wareka Itera 1 man kairan te reirei aei ao kaekai titiraki. Ngkana e aki tauraoi te witeokatiete, kamanena kairan te reirei n tii ngaia.

Te moan tabe ibukin totokoan te kainnano e wene nakon temanna ma temanna. Tabem ngkoe ae te bitiobi bwa ko na taraia bwa a kona kaain te ekaretia ni buokiia bon irouia, aia utu, ao tabeman riki. Man aia reitaki kaain te kooram n te nakoanibonga ao te Bootaki n Aine, ko riai n reirei uoua moan tuua n te euangkerio aika kakaawaki ake a irekereke ma te kamweraoi: te kan toronibwai ao te angaanga ma te nano n akoi.

A totokoi kainnano ni bwain te maiu aei kaain te ekaretia inanon maiuia man ongeabaia n taian tua ao ni maeka ma te rau ma te kan toronibwai ao te angaanga ma te nano n akoi. Reirei iaon te kan toronibwai ao te angaanga ma te nano n akoi man katean te banna ae kororaoi ao man katereterei moan tuua aikai n tain taian marooro ao bootaki. Kabanea mwakoron ana tai ana botaki n tatabeua nako te komete iaon mwakuri ni ibuobuoki ni kataneiai ao ni bairea te rikirake nakon maiuakina moan tuua aikai.

Kaunga te Kan Toronibwai

Aomata aika a toronibwai a karekei bwaai bon ibukiia ma aia utu rinanon oin aia mwakuri (tara Karikani B'ai 3:19). A maeka ni babaire ibukin taai aika a na roko, ni maiuakina te mwakuri korakora ao te kaiko mwane, ao n teimatoa n inaomata man te taarau ae aki riai, ao a tabeakinia aia kara, ma ni katauraoi ibukin kabuanibwai aika a karina nakon taai aika a na roko (tara D&C 38:30; 78:14).

“Ti na mwakuri nakon are ti kainnanoia. Ti na riki n toronibwai man inaomata. Akea riki te moan

tua teuana ae kona ni karekea te Kamaiuaki. Te Kamaiuaki bon te bwai ae kakaawaki nakoira n tatabemaniira nako, ao ti riai ni mwakuriia Kamaiuakira ni bwain te maiu aei ao n te maiu naba n tamnei” (Marion G. Romney, n te Conference Report, Okitobwa 1976, p. 167; ke *Ensign*, Nobembwa 1976, iteraniba. 124).

“Akea te Aomata ae Itiaki Ni Boong Aika Kaitira ni koaua, ae toamau n rabwatana ke n ana iango ae e na kona ni katibananakoa oin rawawatana ke maiuraoi ana utu nakon temanna riki. Ma e ti kona riki, iaan ana kairiiri te Uea ao man oin ana mwakuri, ni karekei bwaai aika kakaawaki n te maiu ibukin te maiu n rabwata ao n tamnei nakoina ma ana utu” (Spencer W. Kimball, n te Conference Report, Okitobwa 1977, iteraniba. 124; ke *Ensign*, Nobembwa 1977, iteraniba. 77–78).

Te kooram n te nakoanibonga ao te Bootaki n Aine a buokiia kaain te ekaretia n reiakin konabwai ibukin te kan toronibwai. N aron nako taian kekeiaki ake a kaatuaki iaon te kona ni wareware ao ni koroboki, te reirei, karikirakean te mwakuri, tararuua te mwane, bwaai aika kona ni karekeaki n te mweenga ao kawakinaia, ao maiuraoi ara namakin, rabwatara, ao irekerekera.

E kaairaki te karinan n ara iaon bwaai n te iteraniba 3 bwa e na buokiia kaain te ekaretia n riki n toronibwai. Ko kona ni kaunga te kan toronibwai ao ni buoka totokoan te kainnano ibukin te mweeraoi inanon te uoote man tuangakiia aomata n tatabemaniia ao utu nako bwa a na kabwanina te karinan n ara iaon bwaai.

Kaunga te Angaanga Ma te Nano n Akoi

E taku te Uea, “E kakabwaia riki te anga nakon te anganaki” (Mwakuri 20:35). Kaain te ekaretia a na angaanga ma te nano n akoi man te angaanga aia tangira, aia tarena, ao aia bwai n ibuobuoki n tamnein te katanoata aei. “I tangiri ngkami bwa kam na anganako ami bwai nakoia aika kainnano, aomata ni kabane n aron are iai irouia” Motiae 4:26). Ai aroia naba aika aki kaubwai a kona naba n anga (tara Motiae 4:24). Karikirakea te angaanga ma te nano n akoi irouia kaain te ekaretia n te uoote man kaungakiia bwa a na anga aia angabwai n aki mamatam ao n anga te ibuobuoki iaon mwakuri n nanoanga inanon te utu, te Ekaretia, ao te botanaomata.

Te angabwai n aki mamatam, n tokina mai nano, e riai n ti tebo ma boon uoua te tai n amwarake aika aki kanaki n tain am aki mamatam. A kona n anga are raka riki kaain te ekaretia ngkana a kona.

“I taku bwa ngkana a mwaiti ara bwai, n aron ae mwaitia irouia ara koraki, ti na . . . riai n rangi n akoi ao n angaanga, n onea mwiin te mwaiti are ti kawakinna man ara tai ake uoua n amwarake n aki mamatam, tao e na rang ni bat, ao ni bat riki—tebwina te tai riki are ti a kona iai ni kabwaka” (Spencer W Kimball, n te Conference Report, Eberi 1974, iteraniba 184).

Te mwakuri n nanoanga a riai kaain te ekaretia ni kabane n anga. E tuangira te Uea bwa ti na uringngiiia ni bwaai ni kabane ake a kananoanga ma ni kainnano, aoraki ao ake a rawaawata, ao ane e aki karaoi

bwaai aikai bon tiaki Ana reirei (tara D&C 52:40). N aroia kaain te ekaretia ake a karaoa ae a kona ni buokiia i bon irouia, a kakabwaaiaaki ma tangiran te anga baia ni buokiia tabeman. Te nano n tangira aei e kaotia inanon mwakuri n ibuokanibwai, irakin mwakuri n ibuobuoki aika a tia ni baireaki, ao kaean te mwakuri ni ibuobuoki ibukin te botanaomata, ai moara riki ibukia kainnano.

Ngkai a ongeaba nakon moan tuua aikai kaain te ekaretia ao taan kairiiri, a kaniia te waaki are e kaineti nakon ae ai aron Tion. E araniia ana aomata te Uea bwa Tion, ibukina bwa ti teuana nanoia ao aia kaantaninga, ao a maeka inanon te raoiroi, ao bon akea mai buakoia ae kainnano. (tara Moote 7:18, tara naba Moote 7:17).

Taian Kaetieti: Taiaoka ni matakua ni Itera 1 n te witeokatiete ae Tabeakinaia Kainnano.

Titiraki ni Kauring

Imwin warekan Itera 1 n te boki ibukin kairan te reirei aei ao matakuakinan Itera 1 n te witeokatiete ae *Tabeakinaia Kainnano*, korei reeke ibukin titiraki aikai. Ko na bae n tangiria naba n tau mwiin wiirkiriki ake ko namakini n am tai n rinanon te boki n reirei. Koroboki ni kauring aikai e na buokiko ni kauringa am iango imwiin tian te kataneiai.

1. Antai ae karekea te moan mwiokoaki ibukin katokan te kainnano?
2. Tera mwiokoia kaain te kooram n te nakoanibonga ao te Bootaki n Aine ibukin katokan te kainnano?
3. Tera mwiokoam ibukin katokan te kainnano?
4. N aanga raa ae kaain te ekaretia n am uoote a kainnanoia bwa ana riai n riki n toronibwai?
5. Tera ae kona karaoia ni kaungaia riki te angaanga ma te nano n akoi imarenaia kaain am uoote?

Te Bwai ni Kataneiai

Katiaa te Karinan n Ara iaon te kan toronibwai ma kaain am utu. Katei kouru ibon ibukim ma am utu. Man katiaan te mwakuri aei, ao ko kona ni buokiia kaain te kooram n te nakoanibonga ao te Bootaki n Aine ni kabonganaa te bwai ni mwakuri ae kakaawaki aei.

Taian Kaetieti: Taiaoka waaki nakon Itera 2 ni kairan te reirei aei.

Karinan n Ara iaon te Kan Toronibwai

Titiraki

Babaire Ibukin Karaoakiiia

- Iai am mwakuri ke aanga riki tabeua aika onimakinaki ibukin te kareke mwane are e na karekea te kareke mwane ae tau ibukin kainnanom ma am utu?
- Ko tararua am mwane n totokoi taarau aika aki riai?
- Iai am mwane ae tauraoi ibukin aoraki aika aki kantaningaaki, kabuanibwai aika karina, ao te motirawa man te mwakuri
- Ko kawakin raoi am bwai ma kaubwaim bwa a na teimatoa raoiroia ?
- Ko kona ni kamatoako i bon iroum ma am utu n akea ana buoka te Ekaretia, te tautaeka, ao tabeman?
- Ko karaoa am kabanea ni konaa ni kamarurunga rabwatam ao ni kateimatoa te rawaawata ae tau?
- Ko toui mwiin kataneiai ake a na totokoi kabuanibwai ao ikoaki?
- Ko kang amwarake aika bongana ao ko kawakin aroaro ibukin te aitiin n totokoi aoraki?
- Ko kona n anga te ibuobuoki ni katokan te aoraki ae bebete ao te ikoaki, ao ko kakaei bwain aoraki aika tau ngkana a kainnanoaki?
- Ko kona ni mwakuri ma te tokanikai iaon taian kakaewenako ni irekerekem ma am namakin inanon maium?
- Ko kona ni wareware, ao ni mwakuri waare aika bebete ae tau ibukim ma am utu?
- Ko kakataneiai ni karaoi anua ni mwakuri aika raoiroi?
- Iai kanam ae tau, kunikai, ao bwaai tabeua aika tauraoi ni kaitarai kabuanibwai aika karina?

Te Abotoro ae Betero e taekina Iesu bwa “te Tia Kawakin tamneimi ao te tia Tararuai tamneimi” (1 Betero 2:25). Ni kamatebwai an a banna ni katooto te Tia Kamaiu, ti nooria bwa te tia kawakin tiibu e kaira te nanai. E kawakinii man tabeakiniia raoi. E kinaia ana tiibu, ao a ongo bwanaana.

Ngkai ko tei ibukin te Uea ibuakoia ana nanai, e a tia n anganiko te mwiokoaki n te mwakuri ae tabu ibukin tabeakinaia ake a kananoanga.

“E anganaki te bitiobi te mwaaka ni kabane ao te mwiokoaki are e a tia te uea ni kaonota taekana n Doctrine and Covenant ibukin tabeakinaia ake a kananoanga. . . . Akea riki ae bukinaki ibukin te mwakuri ao te mwiokoaki aei, akea riki ae anganaki te kakabwaiiaaki ma te mwaaka ao kamwakuran raoi te mwakuri aei. . . .

“Bon tii te bitiobi n tii ngaia ae mwiokoaki bwa e na tabeakiniia ake a kananoanga ao ni kabongana ana babaire ae riai n tabeakinaia ake a kananoanga. . . . Bon tabena ao bon tii ngaia ae e na babaire iai ni motikia bwa antai, n ningai, e na kanga, ao e na mwaitira ae riai n anganaki temanna ane kaain ana uoote man mwanen te Ekaretia bwa ana buoka te uoote.

“Aio bon te mwioko ae nako mai nanom ae kakaawaki, are e kabaeaki iai mairoun te Uea. E bon aki kona ni katibankoa te bitiobi man te nakoa aio, e aki kona n totokoia, e aki kona n angan temanna riki, ke n tuatua onean mwiina. E aki kanganne bwa antai ae weteia te bitiobi bwa e na buokia n taian kangaanga

ibukin te kamweraoi, bon ngaia te bitiobi ae e na rangi ni mwioko ibukin tabeakinaia ake a kananoanga” (J. Reuben Clark, Jr, e taekinaki Marion G. Romney, n te Conference Report, Okitobwa 1977, iteraniba 115, ke Ensign, Nobembwa 1977, iteraniba 79).

Angiin bwaai ake ko kataia ni kakoroa bukiia a na bon karaoaki rinanon aia kekeiaki tabeman ake e a tia te Uea ni weteia bwa a na buokiko—am kauntira, taan kairiiri n ana kooram te Nakoanibonga ae te Merekiteraka, ao taan kairiiri n te Bootaki n Aine. Man te mwakuri iaan am kaetieti, a kona ni buoka kakaeia ake a kananoanga ma aika kainnano, n uotarake te bubuti ibukin te ibuobuoki, ni bubuti karekean aanga nako iaon te mwakuri are e na kona ni buokiia naake a karekeia te buoka ibukin te kamweraoi bwa a na kona n riki n toronibwai

Ukoukoriiia Kainnano

Ngkai te bitiobi ngkoe, ao bon tabem bwa ko na ukoukoriiia kaain te ekaretia aika kainnano. E bon aki tau ngkana ko tii kaeka naba ngkana a roko nakoim ibukin buokaia.

N te aro bwa e na nakoraoi am beku, ko riai ni kai noora tein aroaroia kaain te ekaretia n am uoote iaon maiuia n tamnei, rabwataia, aia namakin, ao aia karekemwane.

“A riai ni kabane bitiobi n *ata aroaroia ni kabane kaain te ekaretia n ana uoote*. E kona n atai aikai man tarakiia, man aia ribooti taan kakawari n te mweenga ao aia ribooti taan reirei n te mweenga, man taian marooro, ao man ana

wirikiriki te Tamnei ae Raoiroi” (Marion G. Romney, n te Conference Report, Okitobwa 1979, iteraniba 138; ke *Ensign*, Nobembwa 1979, iteraniba 95).

Kawai ake ko na kona ni kinaia iai kaain te ekaretia n am uoote ake a kainnano a raonaki n—

1. *Ana Wirikiriki te Tamnei ae Raoiroi.* Ibukin weteam ae onoti, ao e kona te Tamnei ni wirikiriki nakoim n te tai ae aki akaaka bwa ko na titiraki iaon maiuraoi temanna ae kainnano. N am marooro ni kabane ma kaain te ekaretia n am uoote, teimatoa n taratara raoi ao ni kakauongo nakon te Tamnei bwa e na kaoti kainnano ake a karabaaki. Mwakuri n taainako iaon ana wirikiriki te Tamnei ae Raoiroi.
2. *Ana komete te uoote iaon mwakuri n ibuobuoki ibukin te kamweraoi.* Ngkana e bootaki te komete aei, karekeia aia tai taan kairiiri n te Nakoanibonga ae te Merekiteraka ao taan kairiiri n te Bootaki n Aine bwa a na taekina aia ribooti iaon kamweraoaia aomata aika kainnanoaki. Iangoia bwa bwaai ni kabane a tabu taekinaia. Kabongana te komete iaon mwakuri n ibuobuoki ibukin te kamweraoi bwa a na kaongoaki, ma ni karoai katabeaia, ao n taekin ribooti iaon waakin te mwakuri.
3. *Reirei n te Mweenga ao Kakawari n reirei.* Kakoaua bwa taan reirei n te mweenga ao taan kakawara te mweenga a kakawara mweenga kaain te ekaretia n taainako. A riai n titiraki iaon maiuraoi te utu n tatabeua nako ao ni kaaitara kainnanon te utu n te tai are a kona. Tuangiia

bwa a na ribotini kainnanoia kaain te utu ake a noori.

Kakaea Raoi Aroaron Maiuiia

Ibukin buokaia kainnano, ko kona ni katoka te nanououa bwa ko na kanga ao ningai ae ko na buokia iai ngkana ko karaua ni kakaea raoi oin bukin rikin ao maanin te kangaanga ao bwaai ni ibuobuoki aika tauraoi ni kona ni kaitara te kainnano (tara D&C 9:8–9). N te tai ae riai, katabeia taan kairiiri n ana kooram te Nakoanibonga ae te Merekiteraka ao te beretitenti n te Bootaki n Aine ni karaoon te kakae aei.

Te Booma Ibukin Rinanoan
Buokaia Kainnano e na kairiko ni kakaei raoi kainnano ao ni kardinani bwaai ni ibuobuoki aika tauraoi (tara iteraniba 00 (7) n te boki ni kairi aei). E kabongnaaki te booma aei ni kabuta te Ekaretia.

Kamanena te Motikitaeka ae Raoiroi

Ngkai te bitiobi ngkoe, ko a tia n anganaki te berita ibukin te bwai n tituaraoi iaon te motikitaeka ae raoiroi bwa e na buokiko ni kai ata te aekaki ni ibuobuoki are e na buoka te aomata ae kananoanga ao ae kainnano (D&C 46:27–30).

“Ma te aekaki n tamnei aei ae kairi ngkami bitiobi, ko na kona ni karekea te namakin ae koaua ibukin kaekaan titiraki ae aki toki n okioki bwa, Antai ae n na riai ni buokia? Iraua te mwaiti ni buoka ae n na anga? Mwaitira okiokina ao a na manra ae N na ibuobuoki iai? Akea te tua are e a tia ni baireaki man aki kona ni bitaki ibukin kaekaan titiraki aikai. Ngkai bon te tia moti ni kabuta ngkoe, ko riai ni

maiukina te maiu ae kororaoi ibukin karekean kaekaan titiraki ibukin kangaanga n tatabeua nako man tii te bwai ni ibuobuoki are e katauraoaki—te kairi ma i karawa” (Marion G. Romney, n te Conference Report, Okitobwa 1979, iteraniba 140; ke *Ensign*, Nobembwa 1979, iteraniba 96).

Anga te Buoka

Ngkana ko iangoia bwa tera te buoka ae ko na anga, ko na riai moa ni kamatoa bwa baikara bwaai ni ibuobuoki aika a tia ni kabongnaaki nakon temanna ke te utu anne. Ibuobuoki ibukin te kamweraoi e bon anga te aba bwa e na buokiia aomata ni buoki aroia, ni karikirakea te inaomata, n aki katan iaan temanna. Ukoukoran katean te kookoaua, karineam ibon iroum, rinem, ao te anua ae rau iroun te aomata ae buokaki, a kairiiri nakon kabwaninan te kan toronibwai.

Iri bwaai ni kairi ngkana ko anga te buoka:

1. *Kabonganai Bwai ni ibuobuoki n Ana Auti Ni Kaikobwai te Uea.* Ana auti ni kaikobwai te Uea a anga iai aia tai, aia tarena, rabakauia, aia nanoanga, aia bwai ake a tia ni katabuaki, ao aia mwane kaain te Ekaretia aika kakaonimaki. Aikai ake a kona ni katauraoaki nakon te bitiobi ibukin buokaia ake a kananoanga ao ake a kainnano n taabo ni kabane. Kabongananaan bwaai ni ibuobuoki aikai e kona ni karekea te kakabwaia nakon te tia anga ao te aomata are e karekea te buoka ngkai a tabeakinaki kainnano n ana kawai te Uea (tara D&C 104:16). Mwaane ibukin angabwai n aki mamatam bon ngaia te moan

bwai ni ibuobuoki n te mwane ibukin buokaia kaain te ekaretia. Ko kona ni kabongana te angabwai n aki mamatam ni kaboi amwarake, kunikai, katantan, buoka ibukin bwai n aoraki, ke buoka riki tabeua ibukiia ake a kainnano. Mwaane ibukin angabwai n aki mamatam a kabonganaaki tii ibukin te buoka ae kaineti nakoia aika kainnano.

Ko kona naba ni kabonganai ana bwai ni ibuobuoki te Ekaretia ake tabeua n aron ana auti ni kaikobwai te bitiobi, Ana Tabo ni ibuobuoki te Ekaretia ibukin te angareirei, Ana Tabo n Angareirei te Ekaretia ibukin te iokinibwai, te tabo ni karo tiin n amwarake, te tienta ibukin karekean te mwakuri, ao karikirake ibukin karaoon bwaai ngkana iai ae tauraoi i abam.

Kabongana te beretitenti n aia Bootaki Aine bwa e na ibuobuoki ibukin karekean te buoka. E riai ni kawara te mweenga, ni buoka te tia bubuti ni kardinani aekan amwarake ao kunnikai ake a kainnanoaki, ma ni kanakoi taekan ana oota nakoim ibukin rinanoia. Am taina e na kariaia mwakuri n ibuobuoki n ana auti ni kaikobwai te bitiobi ke te kabobwai man taabo ni bobwai.

2. *Ibuobuoki ma te Uaia ni Boraraoi.* E riai te bitiobi ao te tia karekea te buoka ni uaia ni boraraoi iaon te aeka ni buoka, maanna, ao taina.
3. *Anga te ibuobuoki ae uarereke ae aki teimaan.* Buoka man te Ekaretia a ti karaoaki ibukin kainnano aika uarereke aika aki teimaan. Mwakuri ma te kooram n te nakoanibonga ao te Bootaki n Aine ni kakaai aanga ibukin katokan kangaanga aika

- teimaan. E ngae ngke aomata aika toara, aika a kara, ao tabeman riki ake a tangira te buoka a na anganaki aia tai ni kakaea te anga are a na kona ni karaoi bwaai ake a na kona ni buokiia iai bon irouia.
4. *Anga te buoka are e na kateimatoa te maiu.* “Ti ibuobuoki ma amwarake ao mwakuri ni ibuobuoki aika bebete aika a na kateimatoa te maiu, ma tiaki kanakoraoan aron tein maiura. A na bae n tangiria aomata n tatabemaniia ao utu ni bita aron tein maiuia are a na kona iai ni kaitarai bwaai ake a kainnano” (Thomas S. Monson, “Guiding Principles of Personal and Family Welfare,” *Ensign*, Tebetembwa 1986, iteraniba 5).
5. *Kabonganai raoi bwaai ni ibuobuoki n angaia mairouia kaain te kaawa.* E kona n riki te mwakuri n ibuobuoki bwa te bwai ae nakoraoi ibukin buokaia kaain te ekaretia aika kainnano. Aikai are a kaairaki iai mwakuri ni ibuobuoki ibukin reirei ma utu, reirei ni kairi, ibukiia mwaaku, te tienta ibukin kateimatoan te inaomata, ao taan tei ibukin kamwakuri. Ngkana a ukeuke nako kaain te ekaretia ibukin aekan ibuobuoki aikai, ao marooro ma ngai a bwa a na rangi ni boutokai moan tua n te euangkerio, ma ni iango raoi taikan te tua aei man te Komete Ni Kabuta Ibukin Mwakuri n Ibuobuoki laon te Kamweraoi: “Akea te Aomata ae Itiaki Ni Boong Aika Kaitira ni koaua, ae toamau n rabwatana ke n ana iango ae e na kona ni katibankoa oin rawawatana ke maiuraoin ana utu nakon temanna riki. Ma e ti kona riki,
- iaan ana kairiiri te Uea ao man oin ana mwakuri, e na mwakuri nakon ana kabanea ni kona ni karekea nakolina ma ana utu bwaai aika kainanoaki n te maiu n tamnei ao n rabwata. . . .
- “N aron ae kairaki iroun Tamnein te Uea ao rinanon maiuakinan tuua aikai, e raii kaain te Ekaretia n tatabemaniia nako ni karaoa oin ana babaire bwa tera te buoka ae e na butimwaia, man te tautaeka ke man buoka riki tabeua. N te anga aei, te inaomata, karineam ibon iroum, rinem, ao te kan toronibwai a na bon kaungaaki ao e na kateimatoa te inaomata n rinerine” (*Welfare Services Resource Handbook* [1980], p. 21).
- Anganiia kaain te ekaretia te reirei bwa a na ongeaabaa nakon tuua ibukin kabutan karekean te mwane ni buoka man te tautaeka, riki ngkana ko a karekea ana buoka te Ekaretia.
- Karekea Te Mwakuri N Onea Mwiin te Buoka**
- Te mwakuri bon te bwai ae kakaawaki n te maiu n tamnei ao te maiu n rabwata. Ni kabwarabwaraan te kaantaninga ibukin te Kamweraoi n te Ekaretia, e taku te Moan ni Beretitenti: “Te moan kantaninga ikai bwa ti na katea, te waaki, ae riai, are e na ataaki iai te rekenikai ibukin te taningaroti, katokan mwakuri aika buakaka ibukin kanakoan mwaane ni buoka n akea te mwakuri ibukin karekeana, te inaomata, te mwakuri korakora, ao kamanenaan te mwane ma te iango raoi ao karineam ibon iroum a na manga moan
- kabonganaki irouia ara aomata. Ana kouru te Ekaretia bwa e na buokiia aomata bwa aonga ni kona ni bon buokiia bon irouia. Te mwakuri e na manga riki bwa te tua ae rangi ni kakaawaki bwa oin te moan tua ae na bwainaki ni kaainakin ara Ekaretia” (n te Conference Report, Okitobwa 1936, iteraniba 3).
- A raii kaain te ekaretia ake a karekea te buoka ibukin te kamweraoi ni mwakuri nakon aia kabanea ni kona ibukin are a tia ni karekea. Te mwakuri ni katabetabe e na ibuobuoki ni karikirakea te inaomata, te mwakuri korakora, kamanenaan te mwane, ao karineam ibon iroum man anganakin te tia bubuti te inaomata ni karekea te bwai are e karekea.
- Iango raoi taian katautau aikai ni babairean te mwakuri ibukin te ibuobuoki:
1. *Bairea te mwakuri man te uaia ni boraraoi.* Te bitiobi ao te tia bubuti a riai ni boraoi ni iango iaon te aekaki ao maanin te mwakuri. “Ngkana temanna e aki kukurei ni karaoa ana itera man te mwakuri nakon ana konabwai, ao ngkanne iai inaomatan te bitiobi ni katoka te buoka ni karokoa e a manga nakoraoi te aroaro” (Marion G. Romney, n te Conference Report, Okitobwa 1979, iteraniba 139; ke *Ensign*, Nobembwa 1979, iteraniba 96).
 2. *Bairean te mwakuri are e na buokiia tabeman riki kainnano aika kaain te ekaretia.* Kataia bairea karaoaan te tabe n te aro bwa ana mwakuri temanna e na kona ni buoka are temanna, ao mai ikanne are a kaitaraaki iai

<p>kainnano inanon ara kaawa ao e na kona ni buokiiia kain te ekaretia ni buoka temanna nakon temanna.</p> <p>3. <i>Bairea te mwakuri ae na uaana.</i> Ngkana e kona ni karaoaki, bairea te mwakuri are e na kona ni buokiiia aomata n tatabemaniia nako n riki n toronibwai.</p> <p>4. <i>Kaira ana komete te uoote ibukin mwakuri n ibuobuoki iaon te kamweraoi.</i> A rangin ni mwaiti kawai aika kai karioaki ibukin karekean aanga ni mwakuri. Kairiia kaain te komete bwa a na kakaei ao ni karekei aanga nako ibukin te mwakuri.</p> <p>Ko na bae n tangiria ni manga rinanon Katautau Ibukin Babairean Mwakuri ngkana ko karaoi katabetabe (tara iteraniba 00 (9) n te boki ibukin kairan te reirei). Korei katabetabe n te tabo ae katauaki iaon te Booma Ibukin Rinanoan Buokaia Kainnano.</p> <p>Taian Kaetieti: Taiaoka ni matakau Itera 2 n te witeokatiete <i>Tabeakinaia Kainnano</i>.</p> <p>Titiraki ni Kauring</p> <p>Imwiin warekan Itera 2 n te boki ibukin kairan te reirei aei ao ni matakaukinan Itera 2 n te witeokatiete <i>Tabeakinaia Kainnano</i>, koroi kaeka nakon titiraki aikai. Ko na bae n tangiria naba n tau mwiin wiirkiriki ake ko namakini n am tai n rinanon te boki n reirei. Koroboki ni kauring aikai e na buokiko ni kauringa am iango imwiin tian te kataneiai.</p>	<ol style="list-style-type: none"> 1. Koroia n oin am taeka bwa tera n am atatai n aron ana mwakuri n ibuobuoki te bitiobi ibukin te kamweraoi. 2. Ko na kanga ni kabongana aia kekeiaki aomata tabeman (ni ikotaki ma ana komete te uoote ibukin mwakuri n ibuobuoki iaon te kamweraoi) ni kitarai kainnanoia kaain te ekaretia n am uoote? 3. Tera taian kawai ae ko riai ni karaoi ibukin kinakiia kaain am uoote aika kainnano? 	<p>Te Bwai ni Kataneiai</p> <p>Kina te aomata ke te utu n te uoote ae ko anga te ibuoboki nakoia ngkai. Kabanea ni kanoa te Booma Ibukin Rinanoan Buokaia Kainnano ma kaain te utu. Man katiaan te mwakuri aei, ao a na akea am kangaanga n aron kanoaan te booma aei n te tai are ko kakaei iai taian kainnano.</p> <p>Taian Kaetieti: Taiaoka n reitia nakon Itera 3 n te boki ibukin kairan te reirei aei.</p>
--	--	---

Uoote

Titeiki

Tareboon

Ana tabo ni mwakuri

Ana mwakuri

Tareboon

Araia ao aia ririki kaain te utu ake a kan buokaki

Kaetieti

E na buoka te aomata te Bitiobi ae iai kainnanona ae karina ngkai kaain te komete ibukin te mweeraoi n te uoote, ni ikotaki ma taani kairiri n ana kooram te nakoanibonga ao te Bootaki n Aine, a na ibuobuoki ma te babaire ae kaineti ma te kan toronibwai.

1. Kakaei kainnanon temanna ma temanna ao te utu
2. Kaota te aomata, te utu, te Ekaretia, ao bwaai riki tabeua.
3. Buokiia kaain te Ekaretia ni karaoa te babaire ibukin te kan toronibwai.
4. Karekei mwakuri bwa e aonga te tia buokaki ni kona ni mwakuri nakon ana kabanea ni kona.

Kainnano aika Kataweaki

Kakaea raoi mairouia kaain te Ekaretia kainnanon teuanne ke neienne ae kataweaki. A riai bwaai aika kainnanoaki ni karinanaki mai nano ao ni kona ni kaairaki ma: te amwarake, te kunnikai, ao te auti; te mwane ibukin boon te bwai n aoraki ke te iti; ke kainnano riki tabeua

Bwaai n Ibuobuoki ni Kaitarai Kainnano aika Kataweaki

Bwaai ni ibuobuoki mairouia kaain te Ekaretia, kaain te utu, komete ibukin te mweeraoi n te uoote, ao ibuobuoki riki tabeua man te Ekaretia, ao mairouia aomata.

1. Bwaai ni ibuobuoki mairoun temanna ma temanna

2. Kaain te utu ao a na kanga ni kona ni buokiia (kaaro, ataei, kanoaia, ao tabeman riki)

3. Bwaai ni ibuobuoki riki tabeua ao a na kanga ni kona ni ibuobuoki.

Bwaai aika Kainnanoaki ibukin te Kan Toronibwai	Babaire ibukin Kaitaraan Kainnanoan te Kan Toronibwai
langoia ma kaain te Ekaretia bwa tera ae kainnanoaki ibukin te kan toronibwai. Bwaai aika kainnanoaki a riai ni karinanaki inano n aron te auti, te mwakuri, te mwakuri ni kataneiai, te reirei ao a batiriki.	langoia ma kaain te Ekaretia te babaire ibukin te kan toronibwai are e kaairaki ma aron karekean bwaai n ibuobuoki aika kainnanoaki ao n taia ake a na karekeaki iai ke a na tia iai.

Te Mwakuri ke te Anganano ae Na Karaoaki Korei inano mwakuri aika butimwaeaki irouia kaain te utu bwa a na karaoia nakon aia kabanea ni kona ibukin bwaai ke mwakuri ni ibuobuoki aika a karekei.

Tiaina			
Ana Tiaina kaain te Ekaretia	Bongin namwakaina	Ana Tiaina te bitiobi	Bongin namwakaina

Naan: Te Bwai Ae na Taraaki: Te taeka ae te *bitiobi* ao te *uoote* n te *booma* aei e kaineti naba nakon te beretitenti n te mwaanga ao te mwaanga.

ITERA 3

Te Bitiobi E Ira Te Kauntira ni
KamweraoI Irouia Bitiobi n te Titeiki

Ngkana ko iri n ana kauntira te bitiobi, ko na—

1. *Karekea te kataneiai iaon tabeua taabe ibukin te kamweraoi n tain ukoukorai kainnano, kakaean taian kainnano, te anga te buoka, ao te anga te mwakuri. N aron ae okioki, te titeiki beretitentii a na kona ni iri ao n anga kaetieti.*
2. *Maroroakin iango ao atatai are e na buokiko n reiakina tabem ma ni kakaai katokan kangaanga nakon keiti aika matoatoa.*
3. *Manga rinanoi bwaai ni ibuobuoki mai irouia kaain te kaawa ao iangoi akana ko taku bwa a na uaana nakoia kaain te ekaretia.*
4. *Rinanoi kabutan aron taian angabwai n aki mamamatam, kainnano ibukin te kamweraoi, ao te buoka.* Taratara raoi riki nakon bitakin te kainnano ao aki kabonganakin raoi ana bwai ni ibuobuoki te Ekaretia ibukin te kamweraoi.
5. *Maroroakinna bwa e na kanga ni kaungaaki te mwakuri n ibuobuoki ibukin te kamweraoi imarenaia kaain te Ekaretia ni kabane, ni karoai anga aika onoti ni karekean kawai ni kairia ataeinimwaane ao ataeinaine n oin aia mwakuri iaon te mwakuri ni ibuobuoki n nanoanga. langoi kawai ibukin kabonganakiia naake a tia ni karekea te Nakoanibonga ae te Aaron n rikoi angabwai n aki mamamatam.*
6. *Rinanoi mwakuri ni ibuobuoki, te tararua, ao aron kamwakuran bwaai ni ibuobuoki n te Ekaretia ibukin te kamweraoi (ngkana iai).* Kinai aanga ibukiia taan bubuti te kamweraoi bwa a na

mwakuri n taabo aikai. Bairei mwakuri n anganano ao bwaai ni ibuobuoki riki tabeua aika kainnanoaki.

7. *Kakaei aanga ibukin karekean te mwakuri ao maroroakin kawai n te aro are a na kona iai ni mwakuri nakon aia kabanea ni konabwai kaain te ekaretia ibukin te bwai are a karekea.*
8. *Maroroakin aanga aika a kona iai ni mwakuri kaain te kooram n te nakoanibonga ma kaain te Bootaki n Aine ma aomata ake a kainnanoa te buoka ibukin te kamweraoI.*

Taiān Kaetieti: Taiaoka ni matakauakina Itera 3 n te witeokatiete *Tabeakinaia Kainnano*.

Titiraki ni Kauring

Imwiin warekan Itera 3 n te boki ibukin kairan te reirei aei ao ni matakauakina Itera 3 n te witeokatiete *Tabeakinaia Kainnano*, koroi kaeka nakon titiraki aikai. Ko na bae n tangiria naba n tau mwiin wiirikiriki ake ko namakini n am tai n rinanon te boki n reirei. Koroboki ni kauring aikai e na buokiko ni kauringa am iango imwiin tian te kataneiai.

1. Tera taian tabeaianga iaon Kamweraoi aika ko kan maroroakin ma ana kauntira te bitiobi n te titeiki ibukin te kamweraoi?

2. Tera ae ko a tia n reiakinna man ana kauntira te bitiobi n te titeiki ibukin te kamweraoi are e a tia ni buokiko ni kakoroi bukin mwiokoam ibukin kamweraoi ma te waaki ae nakoraoi riki?

3. Karinani atuu ni iango ake ko namakin bwa a na taekinaki n tain te maroro ke te kataneiai n tain bootaki ni kauntira.

Te Bwai ni Kataneiai

Karinani mwakuri aika kona n rangi n nakoraoi riki ibukin buokaia taan bubuti. (Ko na bae n tangiria n tara te karinan iaon te katautau iaon katabetabe ibukin mwakuri aika inano.) Man katiaan te kataneiai aei ao e na buokiko ni katauraoiko n iri ana bootaki ni kauntira te bitiobi n te titeiki ibukin te kamweraoi.

Katautau Iaon Katabetabe ibukin Mwakuri

E a tia ni karaoaki te karinan iaon te mwakuri ae katautauaki bwa e na kona ni buokiia bitiobi n anga te bukinaki iaon mwakuri aika tau ibukiia aomata ake a tia ni buokaki man te Ekaretia. Rinanoa te beebe aei ao ni kamaunai iango ake aki kaeti ma am tabo, ao karin katabetabe aika riai n taian mwakuri aika a kona n reke n am tabo.

A. Mwakuri n Ana Auti Ni Bootaki te Ekaretia ao Ana Tabo:

1. Been ao Onobwai
2. Waaki aika Baireaki ibukin kateitei
3. Katanoataan te tabo ni kabuehue
4. Buokaia Taan Kaitiaki n te umwantabu
5. Korokoro ni Kaboraoan Uteute
6. Koro uteute ao tabeakinan mitiin ni koro uteute
7. Unikan ao karikirakean taian uee
8. Tiaboranakin tino
9. Anganakin te tia kaitiaki te ibuobuoki ibukin mwakuri ni kakukurei

B. Katautau Riki Tabeua:

1. Ibuobuoki nakon te kiraaka n te uoote ni mwakurin te aobiti ao tauan mwiin rekooti
2. Ibuobuoki nakon te tia kawakina te tabo n tangoboki
3. Tabeakinakin mweengaia aika aoraki, kainnano, ao kaara

4. Ibuobuoki nakoia atein te reirei ake a bwarananoia ni bwain te reirei
5. Ikoikotan ao kawakinan rongorongan te ekaretia ngko aika kakaawaki ao ana waaki te uoote
6. Reirei iaon te iokinibwai ao rabakau nakoia tabeman n te uoote
7. Tararuakiia ataei ibukiia tiina aika mwakuri ao n tain aia boowi aika onoti

Ngkana iai kariaiakam n rin n ana auti ni kaikobwai te bitiobi, karikirake ibukin karaobwai, te tabo ni karao tiin n amwarake, Ana Tabo ni ibuobuoki te Ekaretia ibukin te angareirei, Ana Tabo n Angareirei te Ekaretia ibukin te iokinibwai, te tienta ni kamwakuri, reitaki ma te manatia n te iunite anne ibukin karekean mwakuri n taabo akanne.

BWAAI N IBUOBUOKI RIKI TABEUA

Booki Aika Tabu

Refer to the Topical Guide under such subjects as—

Charity
Service
Labor
Storehouse
Poor
Bishop
Almsgiving
Work
Fasting
Generosity
Welfare

Bwaai n Reirei ibukin te Kakauogo ao te Mataku

Applying Welfare Principles in Our Lives (witeokatiete, 5x507)

Bookinreirei Ao Booki n Ibuobuoki

Welfare Services Resource Handbook (32870)

Bishop's Guide (33888)

Rongorongo inanon Ana Beeba Ni Kaongora te Ekaretia

Romney, Marion G. N te Conference Report, Okitobwa 1977, iteraniba 114–18. (Te *Ensign*, Naba n Nobembwa 1977, iteraniba 79–81.)

Romney, Marion G. N te Conference Report, Okitobwa 1979, iteraniba 137–41. (Te *Ensign*, Naba n Nobembwa 1979, iteraniba 94–96.)

Monson, Thomas S. N te Conference Report, Okitobwa 1980, iteraniba 129–34. (Te *Ensign*, Naba n Nobembwa 1980, iteraniba 89–91.)

Monson, Thomas S. “Guiding Principles of Personal and Family Welfare,” *Ensign*, Tebetembwa 1986, iteraniba 3–5.

ANA EKARETIA
I ESU KRISTO
IBUKIIA AIKA ITIAKI
NI BOONG AIKA KAITIRA

KIRBATI



4 0232294859 4
32294 859